



Finansira
Evropska unija



IPA PROGRAM PREKOGRANIČNE SARADNJE
BOSNA I HERCEGOVINA - CRNA GORA

PROJEKAT "POVEĆANJE OTPORNOSTI ZAJEDNICA ZA PREVENCIJU I UPRAVLJANJE RIZICIMA - RESCOMM"

ODRŽAN SASTANAK PROJEKTHNIH PARTNERA, UPRAVNOG ODBORA PROJEKTA I ČLANOVA RADNE GRUPE „RESCOMM“ U SARAJEVU

U okviru projekta "Povećanje otpornosti zajednica za prevenciju i upravljanje rizicima - RESCOMM" koji finansira Evropska unija u okviru IPA Programa prekogranične saradnje Crna Gora – Bosna i Hercegovina, 13. i 14.09.2023.god. u Sarajevu je upriličen sastanak Projektnog tima kojem su prisustvovali predstavnici Sarajevske regionalne razvojne agencije SERDA, Kantonalne uprave civilne zaštite Kantona Sarajevo, Opštine Danilovgrad i Ministarstva unutrašnjih poslova Crne Gore – Direktorata za zaštitu i spašavanje. Ovaj susret je bio prilika da se predstave rezultati dosadašnjih aktivnosti, te napravi plan realizacije aktivnosti u predstojećem periodu.

Direktor Kantonalne uprave civilne zaštite Kantona Sarajevo, Dženan Brkanić, izrazio je svoje zadovoljstvo učešćem na ovom projektu i dosada postignutim rezultatima, te naglasio značaj međusobne saradnje sa zemljama u regionu i potrebu za sistemskim pristupom u oblasti zaštite i spašavanja, te konstantnim unapređenjem kapaciteta institucija u smislu obuka ljudi i nabavke savremene opreme za reagovanje u hitnim interventnim situacijama.

Načelnik Direkcije za operative poslove Ministarstva unutrašnjih poslova Crne Gore, Radomir Šćepanović, istakao je važnost zajedničkog djelovanja susjednih zemalja u slučajevima elementarnih nepogoda zemljotresa, požara i poplava i priliku da se, kroz učešće na EU projektima, izgrade mehanizmi za zajedničko djelovanje.

Kako su tokom prve polovine 2023.god. u okviru projekta provedene aktivnosti adaptacije i opremanja Regionalnog trening centra Stup koji se nalazi u sastavu Kantonalne uprave civilne zaštite Kantona Sarajevo, upriličen je obilazak ovog centra i Profesionalne vatrogasne brigade Kantona Sarajevo.

Aktivnosti adaptacije Regionalnog trening centra na Stupu su uključivale građevinsku adaptaciju prostora, nabavku namještaja za održavanje edukacija, te tehničko opremanje trening centra, a u cilju unapređenja kapaciteta spasilačkih službi Kantona Sarajevo u skladu sa savremenim trendovima i EU standardima.

Projekat implementiraju:





Finansira
Evropska unija



IPA PROGRAM PREKOGRAIČNE SARADNJE
BOSNA I HERCEGOVINA - CRNA GORA

U okviru ovog Regionalnog centra vršit će se edukacije kantonalnih, lokalnih i drugih spasilačkih timova (službi civilne zaštite, gorskih službi spašavanja, te službi hitne pomoći) u oblasti zaštite i spašavanja u slučajevima elementarnih i drugih nepogoda i vanrednih interventnih situacija. Kapacitet centra je 40 polaznika.

Također, u okviru projekta „RESCOMM“ nabavljena je i specijalna oprema za spašavanje sa visina i ruševina za pripadnike spasilačkih službi Kantonalne uprave civilne zaštite Kantona Sarajevo, a u predstojećem periodu bit će organizovana i obuka za spašavanje sa visina i iz ruševina za spasilačke službe prekograničnog područja Bosne i Hercegovine i Crne Gore.

Investicije u opremanje Regionalnog trening centra na Stupu i nabavku spasilačke opreme iznosile su preko 41.000,00 EUR.

U Crnoj Gori je u prethodnom periodu implementacije projekta nabavljena lična spasilačka oprema za 5 manje razvijenih opština, te tzv. razvalni alati za potrebe Službe zaštite i spašavanja Danilovgrad, a u toku su i završni radovi na adaptaciji postojećih prostorija Regionalnog centra za obuku u Danilovgradu. Vrijednost navedenih investicija iznosila je preko 160.000,00 EUR.

Cilj projekta „RESCOMM“ je poboljšanje prevencije i upravljanja rizicima i ublažavanje/prilagodba klimatskim promjenama u prekograničnom području Crne Gore i Bosne i Hercegovine, a njegova ukupna vrijednost je preko 557.000,00 EUR. Evropska unija je obezbijedila preko 467.000,00 EUR bespovratnih sredstava, dok ostatak sufinansiraju projektni partneri. Realizacija projekta traje do maja 2024.god.

Projekat implementiraju:

